

## YAKOBO Ovoli Kĩ Yakobo Tselɛ

<sup>I</sup> Ovoli kīi to yī, Yakobo, Baguma mo boe ɔlate Yesu Kristo ɔsumune sekẽ. Ntselɛ ye mama Yuda futete ewua-nviã a kī begba biko ne katinya kame flee a.

### *Katekado Mo Nyansã.*

<sup>II</sup> Nwaẽ ame, nte miwo ne sohue aholo aholo kame malo ni, mite foe mo kawole baũ, <sup>III</sup> kitonekĩ minyina kī nte beso mi katekado bedã ni, foafõ miana kadza pintii mo ɔwole kado. <sup>IV</sup> Mifõ mi kadza pintii a kenye ke akũ ne mi lekenana kame, ayekĩ míanya bati kī be ɔbla kpola flee, kī beláabuki bisĩ letsama. <sup>V</sup> Leme nte mi kame odi sī nyansã ni, kene kī evia Baguma, yaakpa ye, kitonekĩ Baguma akena seme kale faa kakpa odi nye odi fotsa kī yaádã oti ane. <sup>VI</sup> Leme nte yaboa mpae ni, kene kī ete edo, kī etate atsindze ne ye kame. Odi nye odi kī yate atsindze ne ye kame ni, ela nde mpo ane mui kpale kī ɔwe aboa kato katẽmena. <sup>VII-VIII</sup> Oti a na odu kī ye adzuni adani moatse moatse, kī yaápuli kasipi ne letsa a kī yakena a akũ ni, etakona kī yaana litsedi etomena boe ɔlate sekẽ.

### *Ohiã Mo Akũ Kana.*

<sup>IX</sup> Okristoni ohiãni a kī Baguma dela ne ode ni, kene kī epia ye akũ. <sup>X</sup> Ade ayea okristoni osikani kī Baguma kena ne kayo ni, kene kī ye malo epia akũ. Kitonekĩ osikani nkpã aayatẽ nde

ayekĩ fɔgbangbã akpale kato a. <sup>XI</sup> Nte suwa de seta kooba ni, sapila tuwĩ tave, te fɔgbangbã a akpale kato lokoa tuwĩ a kale ayela flefle. Ade aye osikani leme aakapilipili ne ye tudzuma kame flee eyaaku a.

*Sohuie Mo Ohau Kame Katsã.*

<sup>XII</sup> Baguma hila oti a kĩ epuli edo owole ne sohuie kame. Nte epuli enya sohuie a akũ ni, Baguma aakpa ye nkpã a kĩ ele eyi ekpa bati a kĩ bawe ye kale a. <sup>XIII</sup> Nte odi wo ne sohuie kame ni, etale kĩ, “Baguma sekẽ sohuie kĩ to.” Kitonekĩ odima lelápuli eso Baguma edã kĩ ekena tokpa, ade ye moawe a leme yaaso odima kadã a. <sup>XIV</sup> Mbom oti moawe sukena fowetsa ake ye, kavele ye kado ne sohuie kame. <sup>XV</sup> Lokoa oti sukena fowetsa a atsamɔ koma kama tokpa, ade nte tokpa a bo ane ni, tama wuda.

*Baguma Sekẽ Fotsa Wĩ Flee Ato.*

<sup>XVI</sup> Nwaẽ ame kĩ maátunɔ kale, mitafõ odima leke mi. <sup>XVII</sup> Futetsa wĩ flee mo futelitsa a kĩ fokpola a fudi nye fudi to ode. Foe flee futo Baguma a kĩ leboa ode tesedza a sekẽ. Enye oti kĩ yaadani ade letsama leme ladani otũ ne ye akũ a. <sup>XVIII</sup> Baguma koa ye moawe kawe etsã onokwali kale a akũ, ema boe kĩ bona ye fotsa a kĩ eboa flee a kame otonyade.

*Kale Wĩ a Kanu Mo Ke Akũ Kakena.*

<sup>XIX</sup> Nwaẽ ame kĩ maátunɔ kale, mite ane ne foletsã kĩ akũ! Odi nye odi etse foletsã moatse, leme etawe sowa ele kodzela moatse moatse iye ena kalokpa moatse moatse. <sup>XX</sup> Kitonekĩ oti kalokpa láfõ yakena tuwĩ a kĩ Baguma awe kĩ

ekena a. <sup>XXI</sup> Foesũ mifone obla kĩ yado efiĩ mo ablo kakena flee awe. Midola mi akũ mikpa Baguma, ayekĩ miapuli mite ye kale a kĩ edu ne mi towole kame a, kĩ kaafõ mina nkpã kate a.

<sup>XXII</sup> Mitakatse Kale Wĩ a keke mikoa mikake mi akũ, mbom mikena ne ke akũ. <sup>XXIII</sup> Odi nye odi kĩ yatse kale a leme yaakena ne ke akũ ni, ela nde oti kĩ edã ahuhoe kame emó ye akũ nde ayekĩ ela a. <sup>XXIV</sup> Yadã ye akũ, leme mo ye kadzakũ pe ela ayekĩ ela a. <sup>XXV</sup> Leme oti a kĩ yadã mbla a kĩ ekpola a, kĩ yakpa bati akũ akũ kadzi, mo yakena ne ye akũ a, kĩ enyé oti kĩ yatse kale a keke kalala ke a ni, Baguma aahila ye ne letsa nye letsa kĩ yakena a kame.

<sup>XXVI</sup> Nte odi kona kĩ yasum Baguma leme yaapuli enya ye seme akũ ni, kake ye akũ, ade ye osum a leme nye fotsa pupulidza a. <sup>XXVII</sup> Osum a kĩ ekpale, kĩ efiĩ adima leme lelãa ye akũ a ne Baguma boe Olega ane nye bibumena banokpabi mo bakunawa ne be kasĩ kame, kĩ bati benye be akũ ne katinya efiĩ fotsa kame.

## II

### *Mitadã Bati Ane Mikena Fotsa.*

<sup>I</sup> Nwaẽ ame, nde bati kĩ bete boe Olate Yesu Kristo, kĩ enye kukũkpale Olate a bido sũ ni, mitadã bati ane ne mi fotsa kakena kame. <sup>II</sup> Mifõ boboe foe kĩ osikani sua lima wĩ akũ, edo sika lipetia, eya ne mi katsenakõ, ade ohiãni odi leme do tetadie kpeliwa eya ne awã a. <sup>III</sup> Nte mikpale ane mido oti a kĩ edo fotsa wĩ, mibi ye kĩ, “Onokoe, yaadzi ne awĩ,” leme mibi ohiãni a kõ kĩ, “Naadza ne akĩ!” ãye “Kena akũ kadzi ne oda

ne yĩ aboa kayo!” <sup>IV</sup> Nte mikena foe lomo a, lokoa foatsa kĩ adzuni kpa mikoa miadze mi foletsa, kĩ miado ntsitsemu leme ne mi kame?

<sup>V</sup> Nwaẽ ame kĩ maátuno kale, mitse katse wĩ! Nné kapau Baguma pau katinya kĩĩ kame ahiãfo kĩ bekena katekado kame asikafõ, bena kanyakõ ne ode legākanyakõ a kĩ ele eyi ekpa bati a kĩ bawe ye kale a kame? <sup>VI</sup> Leme mi miasupa ohiãni! Mbõee nné asikafõ amenana mi, kavele mi kanamena foletsa badzene ane? <sup>VII</sup> Nné asikafõ ale tuwuli kpa kasupa dī wĩ a kĩ Baguma te mi a?

<sup>VIII</sup> Nte miakena ne ode legākanyakõ mbla a akũ nde ayekĩ betsele ne Katsеле Kpalewa a kame ni, kekõ miakena fotsa wĩ. Letsa a kĩ betsele a nye kĩ, “We no okoba kale nde ayekĩ awe no akũ kale a.” <sup>IX</sup> Leme nte miadã bati ane ni, miakena tokpa, ade mbla a ako mi koto nde tokpa bakenane a. <sup>X</sup> Odi nye odi kĩ ekena ne mbla a flee akũ, mo efum ne amõape akũ ni, efum te flee. <sup>XI</sup> Kitonekĩ oti mõape a kĩ ele kĩ, “Tane kotsõ ãye konyo liti” a, ade ye lele kĩ, “Takõ oti” a. Foesũ nte otãne kotsõ ãye konyo liti malo, mo oko oti ni, ofum mbla a. <sup>XII</sup> Foesũ mile kodzela mikena fotsa nde bati kĩ mbla a kĩ yakpa boe akũ akũ kadzi a, Baguma aakoa edzemo be. <sup>XIII</sup> Kitonekĩ ne kadze kame ni, Baguma lelãamo okĩ etãmo okoba konya a konya. Leme Baguma konyakamo a lelãadzemo ye.

*Mikena Fotsa Mikoa Mitsa Kĩ Mite Mido.*

<sup>XIV</sup> Nwaẽ ame, nte mi kame odi le kĩ edeĩ katekado mo ye lekenana lãnye katsa lomo a, nfaso wodabe deĩ ne foe kame? Ye katekado

aapuli kekpa ye nkpā mbōεε? <sup>XV</sup> Mifō bōbōε foe kī boe bawaēnyole ïye bawaētsole badi deī kī belá tilima ade belá funitsā kī banya malo a. <sup>XVI</sup> Nte otákpa bati fōtsa a kī fusī be a, litsa nfasō deī ne foe kame nte obi be kī, “Baguma ehila mi. Akū ede mi ovio, mina funitsā minya.” <sup>XVII</sup> Ade ayea nte odi deī katekado mō lekēnana tábumo foe a, ye katekado a nye fōtsa pupulidza.

<sup>XVIII</sup> Lemε odi aale kī, “Oti mōa deī katekado, ade obebā lemε akēna adzuma a.”

Yī mbuaye nye kī, “Nye nō katekado a kī lekēnana lelāa foe kame a katsa yī. Yī malo maatsā yī tuwī kakēna kame ïnye yī katekado ntsa.” <sup>XIX</sup> Ote odo kī Baguma odi pe deī? Onōkoali fōanε. Hūhū kpa lemε te bido ade bavila katila ne ye anε a.

<sup>XX</sup> Okoasia anε! Awe kī ïnye ntsa nō kī katekado kī lekēnana wī tību ne foe kame nye fōtsa pupulidza? <sup>XXI</sup> Nde fōya fōmō Baguma mō boe owanyō Abraham kī enye oti kī ekpōla? Fōtsē ye lekēnana kame, kitonekī ekōa ye mōawe obi Isak enamēna afōlibō atenyε akū kī yakōa ye ebōa afōliε ekpa Baguma. <sup>XXII</sup> Mimó foe lōmō? Ye katekado mō lekēnana a kēna adzuma fōkpōta, ade ye lekēnana a fō ye katekado a kpōla a. <sup>XXIII</sup> Ade Katsεε Kpalēwa fōletsa a ya ne foe kame kī, “Abraham te Baguma edo, ade ne ye katekado sū ni, Baguma mō ye kī enye oti kī ekpōla.” Ne foesū Baguma ve Abraham kī ye okōba. <sup>XXIV</sup> Foesū miamo kī fōtsē oti lekēnana wī kame ade Baguma amo ye kī enye oti kī ekpōla, lemε fōtsé ye katekado kame odi.

**XXV** Ade aye pɛpɛɛɛ Baguma kɔna nɛ Rahab kɔ ɛboɔ adɔpaa a akũ a. Ɛmó kɔ ɛnyɛ oti kpalɛwa nɛ ye lɛkɛnana kame. Letsa a kɔ ɛkɛna nyɛ kɔ ɛtɛ Israelfɔ fɔtɔ banyanɛ a kɔ ɛnabɛla ɛsɛla tite akũ ɛɛdã a, ade ebumɔ be ɛɛtsã osi ɛɛbã akũ bilo a.

**XXVI** Foesũ ndɛ ayekɔ sukɛna nyɛ fɔtsa kuwa nɛ kawɛya lɛlãa sɛ kame a, ade aye katɛkado lɛmɛ nyɛ fɔtsa kuwa nɛ lɛkɛnana lɛlãa foɛ kame a.

### III

#### *Midã Mi Sɛmɛ Akũ Kadã Wĩ.*

**I** Nwaẽ amɛ, mi kame bati pii ɛɛtanya fɔtsa batsanɛ, kitonɛkɔ minyina kɔ boɛ a kɔ ɛɛɔtsa fɔtsa a ni, Baguma aadzɛmɔ boɛ mɔ ɔsɔ mɔ ɔsɔ ɛba bati ɛɛbã. **II** Kitonɛkɔ boɛ flɛɛ ɛɛakɛna nfumusu pii. Lɛmɛ nɛtɛ odi tãfum nɛ ye kɔdzɛla kalɛ kame ni, ɛnyɛ oti kɔ ɛkpɔla ade yapuli kanya ye kutidu a flɛɛ akũ a. **III** Ɔɛado ɔpɔnkɔ sɔɛɔtsaɛ nɛ onukpɛ kame kɔ ɛkɛna nɛ boɛ kawɛ akũ, kapuli kafɔ yanaa awã kɔ ɛɛawɛ a. **IV** Midã ɔkɔlɔ baũ lɛmɛ. Tito kɔ ɛpɔnɛ lububu, kɔ ɔwɛ mɔ ɔsɔ abɔɔ ye kanamɛna malo a ni, sɔɛɔtsaɛ kabii bakɔɔ kadanidani ye, yanaa awã kɔ ye ɔtanɛ a awɛ kɔ ɛnaa a. **V** Ade aye sɛmɛ lɛmɛ la a. Tito kɔ sukɛna akũ letsa kabii sanɛ malo a, sapia nɛ fɔtsa baũ baũ akũ.

Midã ayekɔ fi kabii kɔ fɔka fɔtɔ nɛ lupɔ baũ kame apuli kapila de bubloo! **VI** Sɛmɛ la ndɛ fi. Sɛmɛ dzɛ ndɛ katinya kɔ tokpa kakɛna tɛ ke kame. Nɛ sukɛna akũ fɔtsa a flɛɛ kame ni, sɛmɛ ado oti mɔɔa a flɛɛ tuduli, kado fi nɛ bati kadzi kame mɔ kɔ futo Abonsam fi luwotu kame

a. <sup>VII</sup> Batidziwa apuli kadola bayae, ade bapuli kadola lupu kame bayae kpa, kovolabi, bayae ki baboli ne tite mo kovolabi leme a. <sup>VIII</sup> Leme seme ko odima lelápuli edola se. Seme nye letsa kpa ki odima lapuli kadola, ade otsonu ki yako bati yi se kame tetete a. <sup>IX</sup> Bwakwa seme kamu boe Olate mo Olega, se moape a bwakwa kadumu oti ki Baguma bwa ne ye moawe kutidu aku. <sup>X</sup> Onukpe moape a kame nhila foletsa mo fudumutsa flee ane kato. Nwaẽ ame, ketane ki fukii fona lomo! <sup>XI</sup> Mui wi mo ledeme mui aapuli bene ne lowoke moa kame? <sup>XII</sup> Nwaẽ ame, ato kutse aapuli kuwu gowa babi, iye akateleku aapuli ewu ato babi, mboue? Ade aye mo ledeme mui lowoke lelápuli lenye mui wi a.

### *Nyansã Kĩ Eto Ode.*

<sup>XIII</sup> Mi kame owe nyansãni, ki yanu foletsa kayo? Ekwa obla wi enye foe etsa ne ye lekennana kame, ne aku kadola ki kito nyansã kame. <sup>XIV</sup> Leme nte lineke kano, kawunaba mo yi odi fude fole kaweya dei ne mi towole kame ni, mitama fovã ne onokoli a aku, mipia ne mi nyansã aku. <sup>XV</sup> Nyansã ki odu tato ode, mbom katinya kame ade yane, enye hũhũ kame ade, hũhũ kpa kame eto. <sup>XVI</sup> Awã ki lineke kano mo yi odi fude fole dei ni, ade awã otutu mo tokpa tidi nye tidi kakena ana a. <sup>XVII</sup> Leme nyansã a ki eto ode a, ye letsa a ki lenya loto nye ki ye aku kpale, yawe lukudo mo aku kadola, edei seme kale, kakena towaẽ, yafõ banu oti kayo, yamo konya, ade yawu babi wi a. Yaadã oti ane, ade yaakena ane kame keke fotsa a. <sup>XVIII</sup> Bati a ki

balola bati kayite ni, badu fudutsa ne lukudo kame, ade foe babi nye nkpã wĩ kadzi a.

## IV

### *Mitakena Tokoba Mo Katinya Kame.*

<sup>I</sup> Litsa avelɛ kawũ mo ɔdze kado ne mi kame? Nnɛ mi sukena fɔwetsa kpa a kĩ fɔano mo a mi kame futo? <sup>II</sup> Miawe fɔtsa a kĩ fɔako mi odo, lɛmɛ miláapuli mina foe, ne foesũ miawe kĩ miako oti. Anɛ ayɔɔla mi mo ɔsĩ mo ɔsĩ ne fɔtsa akũ, lɛmɛ mi awɛ tata foe, ne foesũ miawe sɔwã kano kawũ. Miána letsa a kĩ miawe a, kitonekĩ miávia Baguma. <sup>III</sup> Nte mivia Baguma fɔtsa ni, miána foe, kitonekĩ miavia foe mo adzuni kpa. Miavia fɔtsa a kĩ miákɔa mido mi moa odi akũ kawɔɛ. <sup>IV</sup> Mi bati kĩ miádi ɔnokɔali! Minyína kĩ nte mibɔɛ katinya kame tokoba ni, mikena mi akũ Baguma bakesĩne? Foesũ odi nye odi kĩ yawɛ kĩ yanya katinya kame ɔkoba kɛna ye akũ Baguma okesĩne. <sup>V</sup> Miakona kĩ pupulidza betsele ne Katsɛle Kpalɛwa a kame kĩ, “Hũhũ a kĩ Baguma do ne boe kame a ano mo boe sukena fɔwetsa a lineke.” <sup>VI</sup> Lɛmɛ Baguma amo boe kɔnya pii, ndɛ ayekĩ Katsɛle Kpalɛwa a lɛ kĩ, “Baguma asua bati a kĩ bata akũ osi, lɛmɛ yamo bati a kĩ badola be akũ a kɔnya.”

<sup>VII</sup> Ne foesũ mifone mi akũ awɛ mikpa Baguma. Misua Abonsam osi, lɔkɔa yaalo ne mi sekɛ. <sup>VIII</sup> Mifuãmo Baguma, lɔkɔa ye malo yaafuã mi. Mi tokpa bakenane, mivɔɛ awɛ! Mi anɛ kame keke fɔtsa bakenane, mikpalɛ mi tɔwɔɛ kame. <sup>IX</sup> Miwo ɔblo, mite kalɔɛ, mibe lɛmɛ. Mifɔ mi kamɛmɛ kedani ayɔɔho kabe, mi kawɔɛkamɔ



leme kedani oblo kawo. <sup>X</sup> Midola mi akū ne boe  
 ɔlate ane lokoa yaadela mi ne ode.

### *Mitadzemo Mi Bawaẽ Kristofɔ.*

<sup>XI</sup> Nwaẽ ame, mitale foletsa kī fotáfeta ne mi  
 akū akū. Odi nye odi kī yale foletsa kī fotáfeta  
 ne ye owaẽ okristoni akū, iye yadzemo owaẽ ni,  
 yale foletsa kī fotáfeta ne mbla a akū, ade yadze  
 mo mbla a. Nte odzemo mbla a ni, obuki onyé oti  
 kī yakena ne mbla a akū, mbom oti kī yadzemo  
 mbla a. <sup>XII</sup> Baguma odi nye mbla a okpane mo ye  
 foletsa odzene. Ye odi keĩ aapuli ekpa nkpã iye  
 ewola ye. Owei ane kī adzemo no okoba?

### *Kode Ne Kukūpia Akū.*

<sup>XIII</sup> Finyaa mitse, mi a kī miale kī, “Nviã iye  
 kunya bóanaa omato kpale kī iye okī a kame,  
 budzi ne awã kateli moa bonya koyaatɔ bona  
 nfaso.” <sup>XIV</sup> Minyina ayekī mi nkpã aana ne kunya  
 kame malo! Mi nkpã, litsa yanɛ? Mila nde  
 luflututu kī laka kako ne loko lukū kame kabuki  
 kayela. <sup>XV</sup> Letsa a kī kene kī miale nye kī, “Nte  
 boe Baguma tuno mo budeĩ nkpã ni, bóakena  
 fukī iye fukī ne akī.” <sup>XVI</sup> Leme finyaa miata akū  
 kapia akū. Akū kata kī flee nye tokpa.

<sup>XVII</sup> Foesū odi nye odi kī enyina tuwĩ kakena  
 mo yaákena te ni, fonye tokpa fokpa ye.

## V

### *Kode Kĩ Bekpa Akū Banane.*

<sup>I</sup> Finyaa mi a kī mideĩ akū a, mibe, miboa  
 fowola ne lubo kamɔ a kī laya ne mi akū a  
 sū. <sup>II</sup> Mi akū kana fotsa a titi, ade fupuka ba

mi tetadie a. <sup>III</sup> Mi sika ngbã mɔ sika ovoe dzi nkandɔɔ, ade nkandɔɔ kɔ̃ aadi adansie etia mi, eba mi sukena nde fi aye a. Mikpɔta akū kana fɔtsa miyi akū ne fuwi nkae kɔ̃ kame. <sup>IV</sup> Leme midã! Mitãse bati a kɔ̃ bekena adzuma ne mi fɔba kame a kɔɔ kudima. Mitse be kabe! Kɔɔ a kɔ̃ misisi mitãse apaafɔ a kɔ̃ bene fɔba bekpa mi mi a lamɔ mi onukpɛ katsua mɔ fɔwɔla. Bati a kɔ̃ bakpɔta mi fɔba kame fudutsa a kabe wo boe ɔlate Asafu Yehowa atɔ kame. <sup>V</sup> Mikɔa fɔtsa a kɔ̃ fɔate kɔya mido mi akū kawɔle beblebee, midɔli nde bayae aye mikpa luwi a kɔ̃ baako mi a. <sup>VI</sup> Mikó oti wɔ̃ a kɔɔ, ade titɔ kɔ̃ etápili mɔ mi malo a, mikɔ ye.

*Mina ɔwɔle bɔee, Mikaabɔa Mpaɛ Leme.*

<sup>VII</sup> Foesū nwaɛ ame, mina ɔwɔle bɔee kenaawo lɔko a kɔ̃ boe ɔlate a aaya. Midã ayekɔ̃ okuani a kɔ̃ edzi yadzɔle funitsã mɔ kɔya a kɔ̃ ye tite akpa a, ana ɔwɔle bɔee kadzɔle oni kako ne kanɔde mɔ kɔtse lɔko. <sup>VIII</sup> Mi malo kene kɔ̃ mina ɔwɔle bɔee lomɔ, mido ɔwɔle, kitonekɔ̃ boe ɔlate kaya luwi a wo ɔto liyua.

<sup>IX</sup> Nwaɛ ame, mitakɔa mi ɔhau mite ne mi bawaɛ akū mɔ Baguma aadzemɔ mi. Midã ɔdzene a dzɛ ne onyukpɛ! <sup>X</sup> Nwaɛ ame, mikai Baguma onukpɛ banyene a kɔ̃ bide letsã ne boe ɔlate dɔ̃ akū a akū. Mifɔ̃ ayekɔ̃ bido ɔwɔle bemó lubo a fɔnya nfantuhū fɔkpa mi. <sup>XI</sup> Bɔabu bati kɔ̃ bado ɔwɔle ne lubo kamɔ kame kɔ̃ kawɔle bati. Minu ayekɔ̃ Hiob do ɔwɔle, mɔ letsa a kɔ̃ Baguma kena ekpa ye ne kawūna kame a. Oti fɔletsa api boe ɔlate a ne seme, ade yamɔ oti kɔya a.

**XII** Nwaě amε, yĩ kale titiliwu nye kĩ mitatani fotsa ne nhihie adi kakena kame. Mitatani ode, ĩye tite, ĩye letsama. Nte kale a nye ɔnokɔali ni, mile kĩ, “Oo”, nte kenyé ɔnokɔali ni, mile kĩ, “Oowo”, ayekĩ Baguma leláako mi kɔto.

**XIII** Nte mi kame odi deĩ ne ɔhau kame ni, ebɔa mpae ekpa Baguma. Nte kawɔle de mi kame odi ni, esã tonɔ emu Baguma. **XIV** Nte mi kame odi asɔ ni, eve asɔli banɔkɔě a beyaabɔa mpae bekpa ye, lokɔa betsela ye kugua ne boe ɔlate a dĩ akũ.

**XV** Mpae kĩ bɔbɔa ne katekado kame a, aafɔ ɔsonε a lesae. Boe ɔlate a aafɔ ena akũ ɔsĩ, ade nte ekena tokpa tidi malo ni, Baguma aakɔa ete ye.

**XVI** Ne foesũ mibinya mi tokpa kame mitsa mi akũ akũ, mibɔa mpae mikpa akũ, ayekĩ míana kasae. Oti kĩ edzi kpĩ mpaebo deĩ kɔbě kĩ kɔapuli kakena fotsa pii. **XVII** Eliya nye otidziwa nde boe aye, ade kĩ ebɔa mpae mo ɔsĩ mo ɔsĩ kĩ oni etako a, oni táko ne tite futeli elale mo seke. **XVIII** Ke liti a, ebuki ebɔa mpae ade Baguma fɔ oni ko tite nye funitsã a.

**XIX** Nwaě amε, nte mi kame odi muniki ne katekado a liti, mo oti bebã buki ekpã ye eyamena ni, **XX** mite anε kĩ oti a kĩ enye tokpa ɔkenanε a ne osi kpa akũ, aafɔ benye tokpa ɔkenanε a nkpã ne wuda awε, ena ye tokpa beblebee a kakɔa kate.

**Baguma Apam Vɔɛ a Tuwuli**  
**Tuwuli: Baguma Apam Vɔɛ a Tuwuli New Testament**  
copyright © 2008 Wycliffe Bible Translators, Inc.

Language: (Tuwuli)

Contributor: Wycliffe Bible Translators, Inc.

All rights reserved.

2020-12-01

---

PDF generated using Haiola and XeLaTeX on 21 Feb 2024 from source  
files dated 29 Jan 2022

68df0193-2981-5275-8994-8f743fe01e5e